



TUSTUMUNHU
DI UN
MUNUTU^{MT}

UN DI FERAMENTAS
MAS FASIL DI KOMPARTLIA FE
NA MUNDU!

SI DEUS PIDIU PA BU DAL

UM MUNUTU

KADA DIA, BU NA STA DISPOSTU?

Bu ka sta kontenti manera ku algin ciga di kompartilia si fe ku bo? Si Jesus sedu resposta, bo ka dibi di staba na konta djintis di suluson pa se problema ne mundu falidu?

AMI, kompartilia nha fe? Sim, Deus kudjin, ami ku bo, pa no sedu Si mbasaduris, Si voz, Si sintimentu di Korson. Pabia? Pabia i ka tene nin un mindjor pubilisidadi pa Si amor ku ta muda vidas mas di ki kil di Si fidjus. Anos i Si trufeus di grasa.


Talves bu staba na pensa kuma pa ivangeliza i muito difisil, o kuma i tarbadju di pastor. O talvez bu staba preokupadu di kuma, algin pudi fasiu un purgunta difisil.

E pensamentus ku medu ka sedu nobu. E sta na reflekti son pensamentus kriadivus ku bin di parti di no propi inseguransa. Na bardadi, Deus kumbida tudu krentis pa kompartilia se fe.

Kompartilia no fe ka ta abensua son kin ku no na kompartilia ku el, ma i ta abensuanu tambi. Fora di kila, Deus danu Spiritu Santu pa djudanu, pa kila, nunka no ka ta fasil anos son. No dibidi disliga di ki voz di inseguransa, i pidi Deus pa danu oredjas spiritual pa obi Si voz!

ANOS TUDU no pudi fasi kila. ANOS TUDU no tene un storia, i ku e feramenta di TUSTUMUNHU DI UN MUNUTU^{MT} i ta bida divirtidu i fasil. Otcha ku no aprindi, no pui na pratika e material. TUSTUMUNHU DI UN MUNUTU^{MT}, un pastor falanu: "N pensa kuma N gasta tudu e anus sin kompartilia nha fe, gosi N pudi fasil kada dia ku konfiansa."

... ABO TAMBI BU PUDI



Tom Elie
Evangelista / Presidenti
Oasis World Ministries



PA KUMBIDA SPIRITU SANTU

E material, **TUSTUMUNHU DI UN MUNUTU^{MT}** i un apoiu pa djudau pa kompartilia storia di mudansa ku Jesus fasi na bu vida. Es i un feramenta son. I KA un mensagen. No dibidi pui no konfiansa na lideransa di Spiritu Santu ku Si kapasidadi di ``tisi tudu djintis pa El'' (Jon 12:32).

Manga di bias Jesus bai pertu di djintis stranhus... suma kil mindjer na fonti, Zaqueu, ku staba na arvuri ku Mateus, kil kobradur di npustu. As vezes, Jesus ta fasi relasionamentu dipus i ta kompartilia Palavra di Deus, tambi I ta staba pruntu pa obidisi voz di Si Pape.

De manera, kuma, i ku kin ku bu ta kompartilia bu fe? Kumsal kada dia ku orason ne manera, pidi Spiritu Santu pa I dirijiu pa algin.



“QUERIDU JESUS, N STA DISPUNIVEL.
DI FABUR, DAN UN OPURTUNIDAD
PA N KOMPARTILIA NHA STORIA AOS.
AMEN.”




FERAMENTA DI TUSTUMUNHU DI UN MUNUTU



1.	PIRMISON	PAGINA
	"N PUDI FASIU UN PURGUNTA?"	
2.	A. K. (ANTIS DI KRISTU)	
	"I TENBA UN TEMPU NA NHA VIDA OTCHA..."	16
3.	P. V. (PUNTU DI VIRAGEN)	
	"ASIN, UN DIA..."	17
	"OTCHA KU NTINDI KUMA JESUS MURI PA NHA PEKADU..."	
4.	D. D. (DIPUS DI DISISON)	18
	"DESDI KI N KONTRA KU JESUS, AMI....."	
5.	"Si Nka Tchiga di Kontraba ku Jesus, Na..."	19

PIRMISON



USA BU DEDUS PA
JUDAU LEMBRA E
SINKU PASUS FASIL!

Pabia Deus ama djintis, I misti pa no konta elis aserka di Jesus, inda ke sedu stranjerus o amigus. Ali garandi manera di kumsa: **PIRMISON.**

Ora ku no pidi djintis se 'pirmison' pa kompartilia no pensamentus, no dibidi trata elis ku rispitu, logu, se orguliu ta basha. Li ku bu ta kumsa muda bu kombersa.

**"N STA NA TARBADJA NA UN MISON,
N PUDI PUNTAU UN PURGUNTA?"**

Si e seta, punta...

**"KAL KI MINDJOR KUSA KU
TCHIGA DI KONTISI NA BU VIDA?"**

Manga di bias djintis ta ri. Pabia? Purgunta ta entra na se pensamentus pa pudi subinti memoria di se tempu di sabura. Dipus ke kaba se storia, bu ta punta...

**"N PUDI KONTAU MINDJOR
KUSA KU TCHIGA DI KONTISI NA NHA VIDA? "**

Nkurta kombersa. Sumia simenti di Bon Noba na 60 sugundu; ES KI **TUSTUMUNHU DI UN MUNUTU^{MT}**

GOSI I TEMPU PA BU KUMSA BU STORIA...



A. K. (ANTIS DI KRISTU)



PA KUMSA BU
STORIA A. K., DJUBI
PAGINA 16.

Anos tudu no tene un storia di 'A. K.', no vida 'ANTIS DI KRISTU.' Kuma ku bu vida seduba antis di bu ama Jesus na un manera pesual? N KA STA NA FALA antis ki bu baiba pa igreja o bu seduba batisadu? N misti fala, otcha na bardadi bu ntrega bu vida ku korson pa Kristu.

Fala di bu vida **ANTIS DI KRISTU.**

Li ku no na kumsa skirbi BU storia A. K. Purmeru, pensa na tris adjetivus ku ta diskribi bu vida A. K.

Talves, bu staba abo son, frustradu, o ku falta di propositu. I pudi sedu, bu teneba susesu ku ka tene sintidu, manga di kulpabilidadi ku ansiedadi. Talves, bu staba sin speransa na vida o bu panhaba raiba kontra Deus o bu teneba medu di muri. Lista di kusas kontinua.

Talves bu ntregaba bu vida pa Kristu otchau inda joven i bu ka pudi lembra di mumentu ixatu ku bu konverti. Provavelmenti bu pudi lembra di bu nesesidadi di sedu purdadu, sintimentu di kulpabilidadi, i sibi kuma i dibidi ten un Deus.

Suma ku bu sta na lembra di bu dias A. K. BU STORIA kumsa na tene sintidu. Kontinua bu kabanta e frasi na pagina 16. Skirbi tris adjetivus o frasis pa:

"I TENBA UN TEMPU NA NHA VIDA OTCHA..."



P.V. (PUNTU DI VIRAGEN)



PA KUMSA BU
STORIA DI P. V.
DJUBI PAGINA 17.



Tudu djintis tene un tempu nunde ku se kuriosidadi
spiritual ta kumsa, un mumentu ku bu ta odja bu
nesesidadi spiritual.

ES I BU 'PUNTU DI VIRAGEN' (P. V.).

I pudiba kontisi na kultu na un igreja, duranti un krisi,
kura o resposta di un orason. Kila pudiba kontisi na
mumentu ku un algin na kompartiliaba si fe ku bo o na
mumentu ku bu konsigiba un susesu, nin ku tudu es, bu
sintiba vasiu.

Ali un ixemplu di P. V. : “ Un dia un algin falan di Deus
ku aman di bardadi. El I seduba Deus pesual tambi ku
ka staba lundju, Ku kunvidanba pa vivi djuntu ku El na
seu pa sempri. Ma N teneba un purblema. Seu i pirfitu,
ma ami N ka sedu pirfitu, Nton N ka pudi entra la. Ma
Deus fasi un kaminhu pa mi. I manda Si Fidju, Jesus
Kristu, pa I muri pa paga kastigu di nha pekadu. Otcha
ku N raparaba kuma Jesus muri pa nha pekadus tambi
I lanta di mortu N kunvidalba pa I bin sedu Shef di nha
vida. ”



Kal ku seduba bu 'PUNTU DI VIRAGEN?' Kuma ku bu
obiba faladu di Jesus? Ke ku bu pidiba Jesus pa I
fasi na bu vida? Skirbil na pagina 17.



A.D. (ANNO DOMINI)



PA KUMSA BU
STORIA DI D. K.,
DJUBI PAGINA 18.

D. K. SIGNIFIKA 'DIPUS DI DISISON.' Es i parti mas fasil
tambi mas ingrasadu di no storia, pabia no kumsa na
fala di aspetu positivu di mudansa ku Kristu fasidja na no
vidas. Ali alguns di benefisius ku ta bin na kungsi Kristu,
tambi ku diferenza Ki ta fasi na no vidas: tene alegria,
tene propositu ku satisfason, i ka ten mas kulpabilidadi,
nobu amigus, ku serteza di vida ku ka ta kaba. I un
demostrason di alegria di pape otcha si fidju pirdidu riba
kasa. “ Nha fidju staba mortu, i torna bibu; i pirdiba, i
odjadu.” (Luk. 15:24).

“ GOSI KU N KUNSI JESUS, N... ”

Es i un ixemplu di A. K., “Disna ku N pidi Jesus pa sedu
Shef di nha vida, N tene nobu propositu, alegria, ku
konfiansa di kuma npudi bai pa seu ora ku N muri.”

**BUSKA TRIS ADJETIVUS KU TA DISKRIVI BENEFISIUS KU
JESUS FASI DJA NA BU VIDA.**

Es i ka muito difisil, i sedu? Bai pa pagina 18 ora ku bu
tene dja bu resposta.



SI N KA

KONTRABA KU KRISTU...



PA KOMPLETA BU
STORIA DJUBI
PAGINA 19.



Imagina kuma ku bu vida pudiba sedu sin kungsi Jesus. I parsi medunhu, i ka asin? Sertamenti bu ka pudiba tene ki bensons ku bu mensionaba la riba D. K.

Disa no rusumi bu storia di kuma ku bu vida pudiba sedu si bu ka kontraba ku Kristu.

Ora ku bu papia asin, algin ku na suktau na sinti bu korson. Alguns djintis ta fala kuma se vida na seduba vasiu, sin sintidu o e na buskaba inda propositu di se vida. Utrus ta fala kuma e na staba na kalabus, e na staba na drogas, kaba kasamentu, o e muribadja. Vida na seduba radikalmenti diferenti. Ora ku bu kaba di papia, fala elis obrigadu manera ke suktau.

N faladu kuma djintis ta obi Bon Noba na media di 7 bias antis di e ntrega se vida pa Kristu. No objetivu di mumentu i ka pa ganha elis pa Kristu, ma pa sumia simenti di bu tustumunhu. Kualker kusa mas di ki kila i bonus!

Bu pudi ruspundi se purguntas si e sta abertu pa papia mas. Ka bu yentra na diskuson sobri dutrina. Puder di bu storia i simplismenti pa kompartilia bu korson. I suma kil omi segu ku falaba, “N ka sibi manga di kusas sobri e omi ku kuran, ma tudu ku N sibi, i kuma N seduba segu gosi Na odja.” (Jon 9:25).

Kabanta e frasi, bu skirbi bu resposta na pagina 19.

SI N KA KONTRABA KU JESUS, N...

A. K.- KABANTA E FRASIS KU TRIS ADJETIVUS:



“I TENBA UN TEMPU NA NHA VIDA OTCHA...”

1.....

2.....

3.....

P. V. - KAL KI SEDUBA BU 'PUNTU DI VIRAGEN?'

1. KUMA KU BU OBI SOBRI JESUS?

"ASIN UN DIA,...

.....

....."

2. "KABANTA E FRASI: "OTCHA KU N NTIN-
DI KUMA JESUS MURI PA NHA PEKADU, I
LANTA DI MORTU, N KOMBIDAL PA..."

.....

.....

....."

D. K.- DISKRIBI BENEFISIUS KU JESUS FASI DJA NA BU VIDA.



“DISNA KU N KUNSI JESUS, N ... ”

1.....

2.....

3.....



KUMA KU BU VIDA PUDIBA SEDU SIN KRISTU?

“SI N KA TCHIGABA DI KONTRA
KU KRISTU, N ... ”

.....

.....

.....

.....

OBRIGADU PA MANERA KU BU SUKTA. E MESMU JESUS
AMAU TCHIU DIMAS!

NO AVANSA KU KOMBERSA...

Dipus di kompartilia **TUSTUMUNHU DI UN MUNUTU^{MT}**, bu pudi punta elis purgunta suma esis:

1. “Ke ku bu tene pa fala? Si bu muriba noiti ku pasa, bu pensa kuma bu pudiba bai pa seu?”
2. “Kuma ku bu pensa algin ta bai pa seu?”
3. “N pudi kontau ke ku Biblia fala, kuma ku bu pudi sibi kuma bu na bai pa seu?”

Si se resposta i “sin,” intruduzi “ABCs.”

- A. N seta kuma N yara, tambi kuma, nha pekadu ku separan di un Deus Santu. (Rom. 3:23)
- B. N fia kuma Jesus Kristu muri pa purdan, tambi I lanta di mortu, pa mostra kuma El i uniku Deus verdaderu. (Rom. 10:9-10)
- C. N konfesa di kuma N peka, N pidi Jesus pa I djudan pa N disa pekadu, pa I sedu nha Salvador. (1 Jon 1:9)

Si e ntindi e ABCs, Nton punta e purgunta importanti:

“Ke ku pudi tudjiu di rindi bu vida totalmenti pa Jesus Kristu aos?”

Si i ka ten nada ku na tudji elis, Nton punta:

“Ku ajuda di Deus, bu sta pruntu pa da kosta pa kil ku Biblia tchoma pekadu, pa sigi Jesus kada dia?”



PA FITCHA BU STORIA...

Se e fala “sin,” loqu pidi elis pa e ripiti ki bu orason di “ABCs” ku bu kaba di nsina, o ‘Puema di Salvason.’ [Bu pudi odjal na pagina siginti!]

Ora ke kaba fasi e orason, parabeniza elis, mostra elis e tris kusas: leitura di Biblia kada dia, fasi orason kada dia, ku buska un igreja ku fia na Biblia pa e kumsa bai la kada semana.

Bo da ñhutru numeru di telefoni ku E-mail, bu kontakta elis dentru di 24 hora pa parabeniza elis. Ora ku bu liga elis, pidi elis pa e lei pa bo Jon 3:16-17, dipus puta elis ke ki kila signifika pa elis. Punta elis kuma ku bu pudi ora pa elis, tambi pa kumbida elis pa bai ku bo pa igreja o na bu selula.

ES I NO WEBSITE DI SIGIMENTU KU BU PUDI DA ELIS:

www.UVASFRESKU.com

Nha amigu, gosi bu sedu ekipadu pa aventura pa un vida ku ka ta kaba. Pidi un amigu pa i sedu bu parseru di evangelizacion pa proximu 21 dias. Pa no sedu tustumunhu di Jesus kada dia...no kumsa aos!

21

PUEMA DI SALVASON

Jesus, Bu muri la na krus
Bu lanta mas pa salba pirdidus
Purdan di tudu nha pekadus
Bin sedu nha Salbadur, Siñor i Amigu
Muda nha vida i fasil nobu
Djudan, Siñor, pa n´vivi pa bo

Obi kantiga na MUNUTU.ORG!



PUEMA DI SALVASON.

SKRIBIDU PA MATT KU SHERRY MCPHERSON.

©2004 PA THE SALVATION POEM FOUNDATION, INC.

TUDU DIRITU RESERVADU.

WWW.THESALVATIONPOEM.COM



TEKNIKAS PA TREINADURIS

1. Intruduzi **kompaxon** apartir di Mateus 9:36.
2. Da **1 MUNUTU pa memoriza** kil 5 dedus (pagina 5).
3. Treina **TUSTUMUNHU DI UN MUNUTU, 1 dedu kada bias:**
 - Lei pagina di dedu na pamfletu.
 - Mostra tustumunhu di bu vida na ki dedu pa tudu pudi obi.
 - Pa kada kin skirbi si tustumunhu. Da un munutu di silensiu.
 - Ntrevista 3 djintis, pa tudu obi ke ke skirbi.
 - Pa kada kin fasi pratika ku si kumpanher sobri ke ke skirbi.
4. Mostra bu tustumunhu kompletu pa tudu pudi obi.
5. Pidi tudu djinti pa kompartilia se tustumunhu ku se parserus.
6. Pratika un bias mas ku utru parseru.
7. No avansa ku kombersa- lei paginas 20-21.
8. Treina **APLIKASON**. Punta e 3 purguntas:
 - a. Kantu djintis ku ntindi TUSTUMUNHU DI UN MUNUTU ?
 - b. Kantu djintis ku pudu usa e feramenta dipus de siminariu?
 - c. Kal tempu ku no dibidi kumsa usa e feramenta- proximu anu? Kal tempu?
9. Instrusons pa aplikason "Anos tudu no na sai fora gosi...
 - a. **Kada kin dibidi kompartilia ku pelu menus 4 djintis.**
 - b. No na bin riba _____ [tempu]. (No na rekumenda 45-75 munutus di akordu ku lugar ku tene mas populason.)
10. Dipus ku bo riba, kumbida 3 djintis pa kompartilia storia ku mas toka elis na terenu.
11. **DISAFIU DI 21 DIAS** – Punta kal grupu ku na bin kompartilia na 21 dias ku na bin. Telefona o manda mensagen pa bu parseru kada dia.
12. Pidi elis pa e tisi un amigu na treinamentu di proximu mis.

Si bu misti djunta ku utru djintis ku sedu seriu sobri leba se
fe pa un nobu nivel, djunta ku nos na:

WWW.MUNUTU.ORG

DISKUBRI PRENDAS **GRATIS** NA: **OASISPRESENTES.ORG**



*LIVRUS, MUSIKAS
& FERAMENTAS
PA NSPIRAU
NA KONTA BON NOBA!*

Subskirbi na no Website pa pudi risibi no BLOGI di
TUSTUMUNHU DI UN MUNUTU kada semana.

I na motivau pa bu pui foku na kusas importanti pa
iternidadi... almas!

Pa kumpra pamfletu di **TUSTUMUNHU DI UN MUNUTU^{MT}**
difabur liganu o mandanu E-mail na:

OASIS WORLD MINISTRIES
PO BOX 58 CHAMPLIN, MN 55316 USA
763-425-9355 | info@oasiswm.org



©2009, revisadu 2024, Oasis World Ministries. Skirbidu pa Tom Elie ku Oasis
World Ministries. Tudu diritu reservadu. Nin un parti di e pamfletu ka pudi
mudadu na kualker manera o reprodu sidu na kualker forma sin pirmsion
skirbidu di Oasis World Ministries. Verson 18ABC KRIOL.